



Annunzias da baghegiar

All'istanza da baghegiar ei sin fundament digl art. 40 dall'ordinaziun davart la planisaziun dil territori dil cantun Grischun (OPTGR) vegniu annunziau suandonts projects:

Nr. 34/2023

Giger Arnold, 7173 Surrein; remplazzar crappa dil plaz avon casa sin parcella nr. 1333 a Surrein-Giachentrina.

Nr. 36/2023

Wisskirchen-Girardi Franziska, 8302 Kloten; lavurs da manteniment vid las faschadas, finiastras e las aissas da tetg dil baghetg nr. 286 sin parcella nr. 3993 a Surrein-Reits.

Nr. 38/2023

STWEG Casa Degonda, 7172 Rabijs; construcziun d'in niev parcadi sin parcella nr. 251 a Rabijs-Via Sursilvana.

Nr. 39/2023

BW Consulting, 7151 Schluein; lavurs da manteniment vid mir dil baghetg nr. 408 sin parcella nr. 4297 a Surrein-Val Tenigia.

Nr. 40/2023

Mathiuet Paul, 7176 Cumpadials; prender ora crappa sin las parcelas nr. 6363 e nr. 6360 a Cumpadials-Falens.

Nr. 42/2023

Maissen Otmar, 7172 Rabijs; lavurs da manteniment vid la fatschada dil plaunterren dil baghetg nr. 52 sin parcella nr. 4966 a Rabijs-Via Sursilvana.

Nr. 44/2023

Tuor Carli, 7172 Rabijs; prender ora crappa sin las parcelas nr. 472 e nr. 474 a Rabijs-Marias.

Nr. 45/2023

Tuor Carli, 7172 Rabijs; sanaziun dil mir schetg sin la parcella nr. 6151 a Rabijs-Tscheps.

Nr. 48/2023

Alt Stephan e Susanne, 7175 Sumvitg; remplazzament dalla casetta da curtin sin parcella nr. 1523 a Sumvitg-Via Sursilvana.

Nr. 52/2023

Schlöpfer Marco, 7176 Cumpadials; remplazzament da finiastras dil baghetg nr. 166 sin parcella nr. 2935 a Cumpadials-Via Cantun.

Nr. 54/2023

Marugg Carmelia, 8457 Humlikon; lavurs da manteniment vid barcuns e digl esch casa dil baghetg nr. 514 sin parcella nr. 201 a Rabijs-Via Sursilvana.

Nr. 55/2023

Lütke Siestrup Thomas, 7176 Cumpadials; lavurs da contuorn sin parcella nr. 4081 a Cumpadials-Via Camon.

Nr. 57/2023

Bearth Rest Andriu, 7175 Sumvitg; prender ora crappa e lavurs da manteniment dil mir sin las parcelas nr. 6017, nr. 6018 e nr. 6020 a Sumvitg-Santiarms.

Nr. 58/2023

Deplazes Otto, 7173 Surrein; tschentar ina tenda sin pustget per temps temporar sin la parcella nr. 779 a Surrein-Via Caglieci.

Sumvitg, 21-04-2023

Cumissiu da baghegiar

Informaziuns diever d'aua

Retrer aua da hidrants

Tenor lescha pil provediment d'aua e regulativ da taxas tier la lescha davart il provediment d'aua astga mo vegnir fatg diever d'aua da hidrants sin damonda ed encunter in'indemnisaziun. Per retrer aua sto vegnir fatg ina damonda cul formular official. Il formular sto vegnir inoltraus sil pli tard 48 uras avon ch'igl ei previu da retrer aua al caufontauna (info@sumvitg.ch / Administraziun communal, Via Quadras Su 10, 7175 Sumvitg).

L'indemnisaziun dall'aua succeda sco suonda:

- pil consum d'aua: frs. 30.-- per di
- montascha ventil da refluissiu: frs. 20.-- per hidrant

Aua astga vegnir retratga da hidrants sulettamein cun in ventil ch'impedescha ina refluissiu. Quel vegn montaus dil caufontauna.

Il formular ei disponibels sin la pagina d'internet www.sumvitg.ch ni sa vegnir retratgs tier l'administraziun communal. Constatescha la suprastanza communal en quei connex ch'ei vegn retratg aua senza annunziar ei ina procedura da multa resalvada.

Schuar cun aua dil provediment d'aua

Ils menaschis agricols pagan lur taxa da consum tenor art. 2.2 c) dil regulativ da taxas tier la lescha davart il provediment d'aua. Tenor quest artechel vegn il diever per envernonta quintaus cun 50 cubics aua per onn. En quels cubics ei l'aua da beiber per ils animals sco era tut il consum per il diever ordinari dil menaschi cumprius. Tier il schuar praus settracta ei d'in diever extraordinari ch'ei buca cumprius ella taxa ordinaria. Il schuar praus ei perquei sulettamein cun ina lubientscha dalla vischnaunca ed encunter in'indemnisaziun corrispundenta lubius.

Projects da baghegiar

Il caufontauna ei avisaus sin Vossa collaboraziun tier projects da baghegiar. Nus fagein perquei attents ch'il caufontauna sto vegnir clamaus avon che colligiaziuns d'aua vegnan cuvretgas aschia ch'el sa mesirar en e notar las colligiaziuns.

Nus supplichein per Vossa collaboraziun ed engraziein per Vossas breigias. Per damondas stat il caufontauna bugen a Vossa disposiziun.

Sumvitg, 21-04-2023

Suprastanza communal

Serrada via Aclas

Muort in tagl da lenna ei la via dallas Aclas serrada naven dalla geina dil Maissen anen. La via resta serrada prevendentamein entochen la fin da matg. Era las fin d'jamnas resta la via serrada. Nus engraziein per Vossa capientscha.

Ulteriuras informaziuns survegnis Vus directamein da nies selvicultur Beat Cadruvi (tel. 079 638 18 19).

Sumvitg, 21-04-2023

Uffeci forestal Sumvitg

Lavurs vid Via Laus (Caplazi tochen sbuccada Via Puzzastg)

Ils 1 da matg 2023 vegn entschiet cun las lavurs da sanaziun vid la Via Laus naven da Caplazi entochen la sbuccada dalla Via Puzzastg. Durent il temps da construcziun resta la via parzialmein serrada. Per ils automobilists vegn mess a disposiziun durent il temps da construcziun in parcadi a Laus. Per saver carrar sill'alp Laus per motivs dall'agricultura ni specials astga durent il temps da construcziun vegnir fatg diever dalla Via Puzzastg.

Per damondas stat Alexander Deplazes dil biro d'inschignier Deplazes (tel. 081 943 25 60) a disposiziun.

Sumvitg, 21-04-2023

Departament traffic

Curdem da gronda dimensiun

La vischnaunca organischescha ina rimnada da rufid bloccont sco suonda:

Venderdis, ils 21 d'avrel 2023 dallas 08.00 - 18.00 uras

Ei vegn rimnau il rufid per l'entira vischnaunca sin la piazza Igniu (spel baghetg economic)

Ils curdems ein da deponer els containers ni navettas tschentai sil plaz. Per tener-casa vegn priu encunter **max. 2 m³** rumians. Quantitads pli grondas ein da transportar directamein e sin cuost dil caschunader ella deponia regiunala a Rueun. Rumians vegnan buca pri encunter. Tals rumians ein da plazzar als plazz da rimnada usitai els vitgs e che vegnan rimnai entras la Regiun Surselva mintgamai la mesjamna.

Ei vegn acceptau

- maschinas pintgas e mopeds senza ieli e benzin, da tuttas sorts fier, maschinas electronicas senza ieli, mobiliar movibel buc culau giu, requisits dil temps pigns
- per pneus senza gavegl vegn incassau ina taxa da frs. 5.--, cun gavegl frs. 10.--
- per pneus da maschinas agricolas pintgas vegn incassau frs. 20.-- e per pneus da tractur frs. 50.--.
- Calzers da skis san vegnir dai giu en favur dalla ARGO Tavau per frs. 5.--

Buca acceptau vegnan

- tuttas maschinas agricolas, lenna da brisch, veglia e da baghetg, sacs da pupi ni plastic, materials da pachetar, requisits dil temps liber gronds, blachas da ballas da silo, curdems da baghetg, curdem verd da curtin (deponia verda), cartun e pupi vegn rimnau entras la scola

Ils suandonts rumians vegnan rimnai cun ils rumians jamnils:

- sacs tochen 50 kg; 1 marca da frs. 2.50, rumians pigns tochen 100 cm liung / 60 cm lad / 60 cm ault e pli levs che 12 kg; 2 marcas da frs. 2.50 e rumians pigns tochen 100 cm liung / 60 cm lad / 60 cm ault entochen ina peisa da 30 kg; 3 marcas da frs. 2.50.

Nus appelein alla responsabladad da vischinas e vischins e supplichein da setener vid quellas directives en favur digl ambient. Medemamein fagein nus attents da buca deponer rumians sin deponias illegalas (selvadias). Talas deponias cunterfan alla legislaziun per la dismessa da rumians e vegnan annunziadas als organs responsabels e puni.

Per ulteriuras informaziuns stat il gerau responsabel bugen a Vossa disposiziun.

Sumvitg, 21-04-2023

Departament ambient

Uniun SumvitgViva

Lavur cumina dall'uniun SumvitgViva

Sonda, ils 22 d'avrel 2023 envida l'uniun SumvitgViva in e scadin voluntari a far lavur cumina. Nus sentunpein allas 8.00 sin plaz Cadruvi a Sumvitg. Mintgin duei far aschi bien e prender buns calzers, vons ed uaffens adattai per la lavur sin differentas vias d'ual. Suenter la lavur offerescha l'uniun ina grillada. Sin bien seveser, *SumvitgViva*

Consorzi da scola Sumvitg-Trun

Annunzia per la scoletta 2023/24

Il scriver cul talun d'annunzia han ils geniturs dils affons dall'annada 2018 obteniu quels dis. Ils affons dall'annada 2017 che han gia frequentau in onn scoletta valan sco annunziai. En cass che Vus retscheveis negin scriver ni che Vus haveis ulteriuras damondas astgeis Vus bugen contactar nus duront las uras da spurtegl (gliendisdis e gievgia dallas 8.00–12.00 e dallas 13.30–17.00) sut il numer da telefon 081 936 33 04. *Conсорzi da scola Sumvitg-Trun*

Rimnada da pupi e cartun

Venderdis, ils 5-5-2023

Avonmiezdi: Sumvitg, Cumpadials, S. Benedetg e Clavadi

Suentermiezdi: Surrein

Sch'enzatgi vul menar sez siu pupi e cartun allas muldas, lu sesanflan quellas els loghens usitai a **Cumpadials, Sumvitg ed a Surrein**. Per simplificar la rimnada supplichein nus Vus da far pacs pigns e ligiar ils pachets da pupi sco era quels da cartun aschia ch'els dattan buca dapart. Nus entschevein culla rimnada las 8.00. Aschia supplichein nus Vus da deponer il pupi ed il cartun beinveseivel sper via entochen las 8.00. Grond engraziament per Vossa capientscha e bunaveglia scolaras escolars cun las personas d'instrucziun dil *Conсорzi dascola Sumvitg-Trun*

Beach Sport Plaun Petschen

Invitaziun alla radunonza generala **venderdis, ils 28 d'avrel 2023** allas 19.30, Ustria dalla Staziun Cumpadials.

Tractandas:

1. Beinvegna
2. Elecziun dumbravuschs
3. Prelecziun ed approbaziun dil protocol dils 13 da matg 2022
4. Rapport dil president
5. Rendaquen e rapport dils revisurs
6. Fixar contribuziuns annualas
7. Program da lavur 2023
8. Orientaziuns
9. Varia

Cordiala invitaziun a commebers activs e passivs sco era interessents che vulan daventar commember.

Club da tennis Trun

Turnier singul dil club

Naven dils 28-4-2023 entochen ils 30-4-2023 han las commembras ed ils commembers dil club la pusseivladad da semesirar. Duront quels dis ha il турниr tradiziunal dil Club da tennis da Trun liug. Per ulteriur sclariment ed annunzias san ins s'adressar tier Simon Decurtins, 079 521 26 37 ni simon_decurtins@hotmail.com.

Cordialmein envida Club da tennis Trun